





H. XIII. 8

Nova-Tacina. Litera.

937.
I





Henrici Nicolai

1. Oratio de Protervia quadam Philosophica.
2. Miscellanearum Exercitationum Decades III.
3. Gymnasium Ethicum.
4. Irenicum sive de differentiis Religionum conciliandi
Comentatio.

Adel. 45

D. O. M. A.
GYMNASII ETHICI
EXERCITATIO X.

De
Virtutibus Ho-
mileticis.

Quam
PRÆSIDE
HENRICO NICOLAI,
Phil. Profes. Publ.

Placida ventilationi subijcit
MICHAEL GERWINUS,
Mariæburgensis Prusius.
In Gymnasio Gedanensi.

Ad diem Octobr.
Horis locoq; destinatis.

DANTISCI,
Typis Viduæ GEORGII RHETII.
Anno M. DC. XLIX.

VIRIS

Reverendo, Clarissimo, atq; Doctissimo,

Dn. ANDRÆ HINNIO,

S. S. Theologiæ Cultori eximio, Ecclesiæq;

Lichtenowienſis Paſtori fidelissimo, dignissimo,

**Præceptori ſuo olim plurimum
colendo.**

Amplissimo ac Conſultissimo,

Dn. IGNATIO GERWINO,

Scabino Reipubl. Mariæburgenſis Spectatiſ-

**ſimo, Parenti ſuo æternum ob-
ſervando.**

Integerrimo ac Præſantiſſimo,

Dn. PETRO GERWINO,

Civi ac Mercatori Urbis Gedanenſis Solertiſ-

ſimo, Patrueli ſuo perquam dilecto.

Hanc Diſputationem Ethicam

ex debito, filiali, & officioſo cultu

dat, dedicat.

Illorum paratiſſimus,

Michael Gerwinus,

Reſpond.

EXERCITATIO X.

De

Virtutibus Homileticis.



Non particulari virtute externum obiectum regendum sumptus, vel honor, vel conversatio dirigenda est, Ut *d. 7. t. 1.* dictum. Iste liberalitate, ille modestia, hæc homileticâ virtute dirigenda est.

2. In conversatione nostrâ cum aliis *vel* familiaritas regenda est, *vel* actio aliqua cum alio. *Familiaritas* regitur virtute, quæ specialiter *homiletica* dicitur, *ἡ δὲ τῆς ὁμιλίας*, quæ conversationem notat: In familiaritate aut requiritur *jucunditas*, ut jucundè cum alio versemur: Et *vel* in serio, unde comitas, affabilitas, humanitas, *vel* in joco unde Urbanitas: aut *Veritas*, ut sincerè & sine fuce, unde Veracitas, aut *placiditas & consensus*, ut pacificè & quietè, sine rixâ, contentione, discordiâ, unde Concordia oritur. De his consequenter jam agendum.

3. *Comitatus* vox & vim naturalem humaniter versandi notat, quomodo gentes quasdam naturâ humanas, ut Græcos, Asiaticos, quasdam agrestes & rusticanas, ut Scythas, Tartaros, Gothos, Hunnos, dicimus, *V. Majorem in scrut. ingenior. Et præf. Tract. d. Cognit. humanâ*, Et ipsum actû ac habitum moralem, quo actus promitur. Ita hic. Dicitur & *humanitas*, quod hominis sit propria, *affabilitas*, quod sermone, gestu, officio, benevolè se gerat, *facilitas*, quod facilem se omnibus exhibeat, Civilitas, popularitas, familiaritas, &c. Germ. *Freundligkeit/ Holdseligkeit.*

4. Realis tractatio definitione, subjecto, divisione, & oppositis absolvitur. *Definitio est, Virtus moralis directâ,*

T

medi-

medium prudentia in conversatione seriâ quâ sermonem & gestum ad honestè oblectandum & modestè reprehendendum servare faciens.

5. *Genus ex d. 4. patet. Differentia ab objecto & officio sumitur. Objectum internum est affectus irascibilis, ne is insuavis sit, & voluptas ac tristitia, quæ in sermone ac gestu in conversatione seriâ reperitur, ne ea modum excedat: Externum est sermo & gestus in conversatione seriâ ad jucunditatem reducendus. Urbanitas in conversatione jucundâ, non seriâ est. Veracitas in sinceritate, non jucunditate, & Concordia quietem conversationis respicit, non jucunditatem. Sermo, quia hic character animi est, eumquè prodit. Gestus, quia mores sequitur, eosquè indicat, & ad sermonem componitur, ut chorea ad Musici Instrum. sonum.*

6. *Officium in medium prudentia servando in sermone & gestu ad honestè oblectandum & modestè reprehendendum est. Hoc officium quâ sermonem est, ut is ratione temporis, ut tempore justo, quo decet & jucundum est, non intempestivè fiat, nevé statux mutæ simus, quod odii, superbiæ, acerbicis, singularitatis est, nec canes latrantes, quod garrulorum, vanorum, & inconsideratorum est, tœdiumquè conversandi ac odium parit: Modi, ut meditatus sit, non prius ex ore procedat, quàm in mente formatus sit, clarus & apertus, gravis & decorus, non præfocatus, clamorosus, festinus, pronuntiando vitiosus, affectatus, streperus sit: Et objecti conveniens sit, ut de re notâ, non ignotâ, conveniente, licitâ & honestâ, non scurrili & impiâ sit. Hæc enim non nisi in necessitate proponenda, ubi Conscientia aut peculiaris vocatio exigit. V. Prov. 18. v. 21. Jacob. 3. v. 5. 7. Sic cum scelera ac facinora aliorum attestari cogimur. Quâ gestum, ut is gratus, sermoni attemperatus, moderatè gravis,*

vis, nec excessivus, nec defectivus, corporis totius & partium ejus, decorus, situ, munditie, vel actionibus, ut ridendo, edendo, bibendo, sponendo, competens sit. &c. De quo Casæ Galateus, Guazzi Conversatio Politica, *Libri de Civilitate morum*, Item *Liber*, qui inscribitur *Grobrianus*, aliiq; videantur: *Quâ ipsam comitatis rationem*, ut facilitatem, ut facile admittamus alios, ubi opus & utile est, suavitatem, ut nulli molesti simus, omnib. benefici, æquabiles, humani, non rigidi, asperi, amarulenti. Sic in corrigendo comitas prudens, amica, & privata sit, ne incompetens, morosa, mordax, aut hostilis sit, & benevolentiam adjunctam habeat. Ut humaniter salutemus, resalutemus, loco cedamus, consentiamus, in melius explicemus. *Majori cedendum, pari consentiendum, minori aut dissentienti modeste persuadendum.*

7. *Subiectum inhaesionis voluntas & appetitus dirigibilis est*, & homo ipse, mas & foemina, *V. d. 4. t. 10.* Inprimis literatus, unde quod quis doctior, eò humanior. Et quod quis indoctior, eò asperior & inhumanior. *Didicisse enim fideliter artes emollit mores.* Interdum profunda meditata impediunt, ut torui ac vultuosi videantur literati. Sed discussis meditatis, & mente reducta, humanitas redit. Interdum Prophetæ & Apostoli nec salutare, nec resalutare iussi, *2. Reg. 4. v. 29. Luc. 10. v. 4.* Sed celeritate expediendi operis, non rusticitate fieri, intelligendum. Secus contrà egerunt, & agere jusserunt, *Roman. 16. v. 3. 16.* Ex divisione Ecclesiastica, Oeconomica, & Politica esse potest. Exemplum *Zwinger. Vol. 12.* habet. Et cum hæretico, pagano, Judæo, etiam exerceri potest, ut Abraham, *Genes. 14.* Jacobi, *C. 29.* Christi *Luc. 7.* exempla, & dictum Pauli, *1. Cor. 7. v. 12. 13.* docent.

8. *Oppositum ejus vel apparens est, ut gravitas morum, virtus decorum in moribus pro honestate ad status rationem & competentiam servare faciens, vel verum, idq; vel excessus, blanditia, adulatio, quasi adaulatio, quod in aulis frequentans, perpetuum malum Regum, quorum opes sæpius assentatio, quàm hostis evertit, Curtius l. 8. C. 5. Et nimia demissio, &c. Et defectus est, ut morositas, rusticitas, torvitas, asperitas, ut Timon Atheniensis. Exempla Zuingerus c. l. habet. Et ratione odiositatis, ac quòd societatem impediat, deterior est morositas: Ratione noxæ, fallacitatis, & everfionis, adulatio.*

9. *Sic virtus seriam conversationem dirigens. Quæ Jocosam regit, Urbanitas dicitur, alias & jocositas, festivitas, Höffligkeit/ Scherzhafftigkeit/ Virtus directâ, medium prudentia circa jocos & ludicra in conversando & decorum servandum, offensam vitandam, servare faciens.*

10. *De genere d. 4. Medio prudentiæ c. l. visum. Officium ejus in proferendo & acceptando jocosum est. In proferendo joci sint jucundi, unde jocus quasi jocundus, liciti, utiles, dicentibus & audientibus competentes, locis & temporibus apti. Secus noxii sunt, & si mordaces, aut nimium ex vero trahunt, acrem sui memoriam relinquunt, & dicentibus obsunt. Ut Fusio Consuli ap. Tiberium, Tacit. l. 5. annal. C. 1. & Vestino ap. Neronem, Id. L. 15. C. 10. Huc & ludicæ scenici oblectantes, de rebus licitis, tempore, modo, loco, convenientibus, occupati pertinent, quibus infestiores quidam, ut Amesius s. Cas. Co. C. 39. Dancus l. 2. Eth. C. 14. Quos rectius alii licitos aut indifferentes habent, ut Alstedius Eth. 1. C. 23. Dieß. p. 1. Meth. C. 9. Brochmandus, Meisnerus, aliig. Nam & usum intellectus, voluntatis, memoriæ, linguæ, & morum habent, qui formantur, moventur, excitantur, & per-*

& perficiuntur talibus repræsentationibus, & decoram voluptatem trahunt, & abusus ac ataxiæ illis accidentales sunt, ab ijsq; semoveri debent & possunt, ut in sese lusus tales non illiciti censi possint. Sed repræsentationes vitiorum & vitiosorum in scenâ nequit Christianus in se bonâ conscientia recipere, hæc enim vix nominari inter Christianos debent, *Ephes. 5. v. 8.* Minus factis ipsis repræsentari. *V. d. 7. Dec. 5. t. 21.* In acceptando joca benignè suscipiantur, tollerentur, non in serium explicentur. *V. Plautum Pæn. a. 5. s. 5.* Objectum ejus joca, verba faceta ad jucunditatem composita, & ludicra s. lusus, acta ad eandem conformata, sunt, quorum necessitas, utilitas, & jucunditas videnda. In vitâ enim humanâ datur fatigatio: quare & danda relaxatio, sine hac enim fatigatio est consumptio, & arcus semper intensus rumpitur. Spiritus enim reficiendi, sæpèque refocillatione gratia ac amicitia utilis conciliatur. Quidam joci etiam iniquiores sunt, & Christiano non usurpandos censent, ut *Hieronymus, Euripides, Smalcus contr. Frantz. d. 7. t. 131. 132. Cat. Rac. Germ. p. 199. aliq;* quod de scurrilibus valet, de aliis Scriptura contrâ est *1. Reg. 18. v. 27. Ezech. 16. v. 44.* Exempla Urbanorum ap. *Zuingerum Vol. 12. l. 4. Mantium Collect. p. 871. Lysothenem, Alstedium Eth. 3.* vide. Unde promantur, fusè *Cicero 2. d. Orat. t. 76.* disceptat. Oppositum ejus in Excessu scurilitas, in sensu ac intentione dicentis propriè consistens, in defectu rusticitas & insulitas est. *V. c. l. t. 16.* De joci præcepta quadam in *Verulamio l. 6. d. aug. scien. c. 3. n. 35.* Et liber, qui *Grobianus*, vel de simplicitate morum inscribitur, item *Groschmeuler / Zingrâffen in weisen Sprüchen /* aliq; habent.

11. Virtus ad sincerum dirigens Veracitas vel Veritas est, quæ non æquitatem, aut veritatem artis, signi, vel notitiæ
notat,

notat, *sed vita*, cum talis signo est, qualis facto & re esse vult, & sinceritas, simplicitas, candor, fides, & fidelitas etiam dicitur: *Virtus directa, medium prudentia in promendo vero morali sincerè honestatis gratiâ servare faciens.*

12. Genus & Medium d. 4. patent. *Verum morale est* convenientia cordis & oris, vitæ & signi, cogitati, & facti, ac dicti. Ægyptij per cor humanum appenso gutture, Rabini per aleph adumbrârunt. *V. Lessium app. 1. C. 1.* Medium servat veritas loquendo, agendo, silendo, & dissimulando. Loquendo, cum verbis profertur. Vel simpliciter, ut est aut non, vel cum modo, ut vehementi assertionem, ut Amen, verè, profectò, quales particulæ omnibz linguis usitatæ, quanquam *amen* ferè ex usu aut intentione Hebræorum ad juramenti formulam accedit, ex *Hebr. 6. v. 14.* Ubi tamen partic. *amen* non est, sed *אמן*, & materia saltem juramenti adducitur, forma ipsa *Gen. 22. v. 16.* involvitur, Et *Psal. 105. v. 9.* Vel juramento, invocatione Dei ut testis additâ, quam in Christianis *Anabaptistæ & Photiniani* quidam improbant, cum Paulo tamen usurpata, *Rom. 9. v. 1. 2. Cor. 1. v. 23. Phil. 1. v. 8.* Et generaliter juramentum finis omnis controversiæ dicatur *Hebr. 6. v. 16.* Et quæ fortissimè obligat, si de re licitâ & possibili facta, etiam cum latroni de vitâ, pecuniâ, aut silentio promissa, **D E O** enim jurando te obligasti, cui proindè, si potes, satisfaciendum, ne nomen ejus in vanum sumatur, & ipse juramenti non servati poenas expetat, *Lev. 19. v. 2. Matth. 5. v. 33.* Non enim ludificandus Deus, *Gal. 6. v. 7.* Secus poena violatores nominis ejus manet, *Exod. 20. v. 7. Lev. 19. v. 12.* Et si in foro soli & mundi nec latroni actio in te conceditur, nec tibi obligatio judicialiter secundum communem Iurorum & Politicorum sententiam addicitur. *V. Serserum l. 1. d.*

l. 1. d. jur. c. 20. Humnium T. 1. in Treut. d. 6. Rauchbarum p. 2. qui. jur. q. 4. Bodin. l. 1. d. Rep. c. 1. aliosq. Sed jus fori etiam non de tuâ Conscientiâ judicare potest, per quam tamen DEO jurando obligatus es, & ex quâ in foro poli & Ecclesiastico magis solvere, quàm negare aut tritari suadetur, quam discutendam jus soli tibi ipsi relinquit, & tu vitam servare, accōscientiam placare, Latro prædam & malitiam implere intendit, eoque cum scelere ejus non colludis illudvè juvas, ut pluribus *Thummius de juram. p. 99. seq. Balduinus, Brochmandus aliq, dec. 3. c. l. t. 20.* citati tradunt: Etiam cum hosti infideli, hæretico juraſti, *V. Job. 9. v. 15. 16. Et c. l. plurib. deductum.* In illicito & impossibili rescindenda ea, non servanda. *Lev. 5. v. 4. 5. V. c. l.*

13. *Agendo*, cum factis, gestibus, ritibus, profertur, ut actus menti conformes sint. Unde *verbis* nunquam simulandum, nam mendacium hoc: *Rebus*, si indifferentes, licet, sic David insaniam, Christus abitum ulteriorem simulavit, *Luc. 24.* Sic strategemata bellica: Si determinatæ ad malum, non, ut fidem falsam ejusvè signa, vitia & vitiosos in scenâ repræsentare, *V. c. l. t. 21.* *Silendo*, cum prudentia tegere & occultare, non promere, jubet. Hic *taciturnitas* requiritur, ut tempus silendi aut partem veri dicendi sciatur, quod in vita sæpè necessarium, ut qui loqui sciat, & tacere scire debeat. Cujus oppositum *garrulitas & intempestivum silere est, t. 22. c. l.* *Disimulando*, cum dissimulare verum, non proferre jubetur. Veritas enim officiosa & ingeniosa est, ut prudenter dissimulet. Nec cuivis respondere, nec omne semper verum dicere tenemur, etsi quando loqui velimus, non mentiri teneamur. Unde æquivocari, aliquid, quod loquens tecum nec cogitat, nec intendit, reservare, & ex tali reservato ambiguè ipsi respondere, aliena cogitata tua

ad quæsitum reponere, ambiguo eludere ac decipere non
poteet, ut olim *Priscillianistis*, de quib. versutis, Jura, perjura,
Secretum prodere noli, *V. Augustin. l. d. mendac.* Hodie
Pontificiis & Jesuitis quibusdam usitatum, qui & scriptis &
factis, & theoriâ & praxi, id docent, Ut *Valentianus T. 3. d. 5.*
Sotus l. 5. d. 1. & J. q. 6. Toletus l. 4. Instruct. Lessius l. 2. d. Just.
C. 31. Azorius p. 3. Instit. Et peculiarib. scriptis *Garnetus &*
Blacwellus deduxerunt, factisque & exemplis *Franc. As-*
sisius, Leo X. P. R. Treshamus, Garnetus, Richeomus, aliiq; de-
monstrarunt, sæpeq; quando cum hæreticis agunt, expli-
cando ac detorquendo ostendunt, quicquid de effugiis *Be-*
cani, Bellermi, Rosveydi, Suertij, & aliorum sit, quib. do-
gma à se amoliri, & oppositum sibi tribuere volunt, de quo
alibi latius. Recteq; ex ipsis *Pontificiis, Becanus, Soto, Azori-*
us, Courarruvius, alijs, æquivocandi artem reprobant, & si-
lere aut prudenter disimulare, vel partem veri dicere lice-
re ajunt, quod aliud est. Generaliter enim omne menda-
cium prohibitum est. *Lev. 10. v. 11. Psal. 5. Ephes. 4. Colos. 3.*
Apo. 22. Plura 2. 23. c. l.

14. Divisio veritatis in verborum & rerum esse potest. Illa
candor, hæc fides dicitur. Opposita excessus, Ut nimis ri-
gidè verum postulare, & defectus sunt, cum præter verum
agitur. Quod mendacitas, mendacium, fallacitas, dicitur,
Vitium morale, falsas significationes moralium signorum cum in-
tentione falsum asserendi proferens. Intentio falsum asse-
rendi velut formale in mendacio est, non fallendi, hoc e-
nim abesse potest. Ut cum falsum sub intentione falsi di-
cis, etsi alterum falli non posse scias. Ut *Ananias* erga
Sp. S. quem Apostoli habebant. *Act. 5.* Ac potest aliquid
ut in se verum creditum, alteri tanquam falsum proponi, ut alter
existimet, illum, qui loquitur, id pro falso habere, quod
reipsa.

reipsa pro vero habet, ubi mendacium committitur. Sed non potest aliquid ut verum & falsum simul credi. Hoc enim non consistit. Et mendacium *Aliud jocosum, officiosum, & perniciosum* dici solet, quam divisionem alii improbant, alij admittunt, Et vocis mendacii in significata, non generis in species, rei in modos, aut totius in veras partes divisio est, *C. l. t. 26.* Simplex & compositum, affirmativum & negativum, *verbale*, ut detractio, calumnia, convitium, & *reale est*, cum factis & gestibus falsum committitur, ut simulare & dissimulare, ubi malè mendacium committi negatur, ut *Pareus in C. 27. Gen. q. 4.* Cum & hic disconvenientia Cordis & operis sub falsi intentione esse possit, aliudq; simulari, aliud intendi queat, ut falsum intendas, &c. De quib. *c. l. t. 25. 26.*

15. Virtus ad quietem dirigens *Concordia est, Virtus directæ, medium prudentiæ in vitâ tranquillè cum altero in conversatione ducendâ servare faciens.* Dicitur & Concorditas *Pacuvio*, tranquillitas. *Objectum externum* vita tranquillè ducenda est, ubi agenda, omittenda, & patienda comprehenduntur. Ea; & propria & aliena, ut in illis omnia ad quietem, nihil ad offensionem disponantur, cum hominibus pacem, cum vitiis bellum geri debeat, cogitetur, omniaq; quantum possibile, in melius & mitius explicentur & applicentur. *Internum* appetitus & voluntas est. *Ex divisione Ecclesiastica, Politica, & Oeconomica est.* *Oppositum in Excessu Indulgentia, in defectu discordia, contentiositas, & rixositas est.* Exempli *Zuingerus, Beyerling,* alijque habent. *Plura c. l. t. 27. 28.*

AVCTARIVM.

Cum in disp. de fortitudine quædam superfuerint, & hic chartæ spatium suppetat, hic addenda existimavimus.

Ad.

Ad 1. 17. ergò adde: Aliàs ardua de causâ lacrymæ emissæ non statim timidum & mollem arguunt, sic enim & Christus lacrymatus, *Johan. 11. Luc. 19. Heb. 7. Petrus, Matth. 26.* Scipio Africanus super Carthagine, Xerxes super exercitu suo, Josephus super fratribus, *Genes. 43. 45.* Esauus super Jacobo fratre diu non viso, *Genes. 33.* Qui aliàs non timidi: *Ε αυτοχειρες*, qui seipsos occidunt. Cum onus à Deo impositum patienter ferre, & superare, non ei succumbere debeant, ut Rhafis; *2. Maccab. 14.* Saul, Curtius, Pilatus, aliîq; quorum exempla apud *Valer. M. L. 3. Florum l. 2. Camer. C. 3. c. 78.* aliosque prostant. Gentiles eam admiserunt & probârunt. *Lipsius* in summa necessitate, *C. 2. epist. 22.* *Hieronymus & Ambrosius* in castitate eam probârunt, *V. Eund. lib. 3. Manud. c. 22.* Malè omnes, cum contra legem Dei, Naturæ, Reipublicæ, & sanæ rationis sit, velut miles prius è statione discedat, quàm ab Imperatore evocetur, aut ex ædibus excedas, in quibus manere condixeris. Plura apud *Sigfridum pecul. Tract. de Autocheiria, & Theologos in Casib.* Item *Becanum, Lesium*, alios vide.

18. *Secundaria fortitudinis opposita sunt omnes detractores* ejus in quibusdam, ut qui gentilibus aut Hæreticis eam negant, ut *Hieronymus, Augustinus, & AntiPuteanus* aliquis in *stater. lit. i.* Principem Auriacum nec fortem, nec prudentem dicit, quòd Hæreticus sit. Alienè, cum tota fortitudinis definitio, *t. 4. d. 8.* eis verè competat, & civilis virtus nec Christianam, nec veram & Catholicam præcisè fidem requirat, sed medium prudentiæ & rectam rationem. *V. d. 4. t. 14.* Quicquid de eo sit, quòd *Patres* quidam de virtutibus gentilium iniquiùs censuerint, de quo in Theologicis, aut quòd nonnulli peccata eas dici posse censcant, de quo alibi.

tion
ere
and
re.
li-
tor
are,
∞
Ho-
r h
pe-
.

